

445


E

111




Early European Books. Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 E 111





Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 E 111



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 E 111



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
445 E 111

Ww/ 445. 8111

DISPUTATIO JURIDICA
INAUGURALIS
DE
JURE JURANDO.

QUAM,
ANNUENTE DIVINO NUMINE,
Ex Auctoritate Magnifici Rectoris,
D. JACOBI TRIGLANDII, I.F.I.N.
SS. THEOL. DOCT. ET IN ACAD. LUGD.
BAT. PROFESSORIS, ECCLESIAE
IBIDEM PASTORIS,
NEC NON

Amplissimi Senatûs Academici Consensu, & Celeberrimae Facultatis JURIDICAE Decreto,
PRO GRADU DOCTORATUS,

Summisque in utroque Jure Honoribus, & Privilegiis,
ritè, ac legitimè consequendis,

Eruditorum Examini subjicit.

ANTONIUS BEECKMAN, Neomagensis.
Ad diem 23. Januarii, hora locoque solitis.



LUGDUNI BATAVORUM,
Apud ABRAHAMUM ELZEVIER,
Academiae Typographum. M DCC.


THE HISTORY OF THE
CITY OF LONDON
FROM THE FIRST
SETTLING OF THE
TOWNE TO THE
PRESENT TIME

BY
JOHN STOW
1597





DISPUTATIO JURIDICA,
INAUGURALIS,
DE
JUREJURANDO.
CAPUT PRIMUM.



UM constat, Legislatorem præcipuam
semper adhibuisse operam, ut salutaris con-
cordia in Rep. vigeret, & Cives uno vel-
uti spiritu cohærent, nihil autem Ci-
vium consensum magis turbet, quam litium
frequentia ac multitudo, (quarum origo
& causa hæc in primis erat, quod deficien-
te plena probatione lites indecisæ traheban-
tur vel rei liberabantur, & sic fidem hominum eludentes acto-
res actione frustrabantur) huic malo remedium adhibuisse fertur
Rex Numa, apud *Dionys. lib. 2. Extrem.* quod est Jurisjuran-
di Uius, quo (tanquam ultimum inter mortales tuendæ ve-
ritatis

ritatis præsidium) deficientibus aliis probationum generibus, vel ex pactione ipsorum litigantium, vel ex auctoritate Judicis, deciduntur controversiæ. *l. maximum 1. D. h. t.* Cum hæc materia antiquis temporibus fuerit frequens, nostris quoque magnam utilitatem usumque in foro præbeat, haud abs re fore puto, eam pro ingenii viribus pertractare; sed cum juri operam daturum prius nosse oporteat, unde nomen descendat *l. juri 1. pr. D. de just. & jur.* à vocis origine auspicabimur.

Dicitur autem Jusjurandum, ut placet quibusdam, à *juro*, quod proprie significare indicant *promitto me adhibitis testibus ita servaturum ac si jus esset*; Cujacius vero dici putat *quasi jus sacram.* Parat. in lib. 4. C. Tit. 1. Huc respicit illud Virgil. lib. 2. *Aneid. v. 157.*

Fas mihi Grajorum sacrata resolvere jura.

Nec rejiciendum etymon Auleji, qui formatam *Jurisjurandi* vocem ait quasi *Jovis jurandum.* in lib. de Deo Socrat. Vid. & apud Cic. 3. offic.

Fides alma, apta pennis, jurandum Jovis.

Definitur Jusjurandum *affirmatio religiosa.* Cic. lib. 3. Offic. religionem vocat Connan. lib. 1. Tacitam eam cogitationem, qua in animo suo quisque Deum colit ac veneratur; apud veteres vero significabat metum Divini Numinis *l. que sub conditione 8. D. de Condit. instit.* Plenius, quod sit affirmatio, qua fit cum invocatione Divini nominis in veritatis testimonium, & execrationem sui ipsius, si quis sciens fallat. Ex hac definitione duæ apparent partes, altera, qua Deum invocamus tanquam testem, nos ex imis cordis penetralibus vera dicere, altera, qua perjurii pœnam vindictamque Dei in nos expetimus, si scientes fallamus: huc pertinet illud Ovidii lib. 3. de Art. Amand. vers.

449.

Parcite Cecropides Juranti credere Theseo;

Quos faciet testes, fecit & ante Deos.

Juramentum diversis fiebat modis apud Romanos, de quibus postea dicemus; sed videamus an jurare licitum sit Christianis? quod negant quidam, inter quos in primis Anabaptistæ, niterentes dicto Salvatoris *Matthæi 5. vers. 34. ego autem dico vobis, ne jurate omnino.* Verum sciendum est, Salvatorem ibi non abso-

absolute prohibere jurisjurandi usum; sed temeraria juramenta, quibus nomen Dei sine ulla necessitate usurpatur temere *Exod. 20. vers. 7.* præterea, hanc Anabaptistarum opinionem esse quam maxime erroneam ac falsam, multis sacrarum literarum testimoniis, sanctorumque insuper virorum exemplis probari ac digito monstrari potest, tam ex Veteri quam Novo Testamento: Dicitur enim *Deuter. 6. vers. 13. per nomen Dei tui jurabis, & Exod. 22. vers. 11. Furamentum Jehova esto inter utrosque, quo se purget redemptor, si non extendit manum suam in rem proximi: quod ubi acceperit dominus rei, ille ne rependito.* Legitur etiam quod Abrahamus aliique Sancti Viri juraverint *Genes. 21. vers. 23. 24. & 31. 1. Samuel. 20. vers. 23. & 24.* Exemplo nobis præterea est locus *Pauli Hebr. 6. vers. 16. Homines quidem per eum jurant, qui sit major; atque iisdem omnis controversia terminus est jusjurandum ad confirmationem adhibitum.* Denique ipse Apostolus Paulus, quem jurasse negari non potest *ad Rom. 1. vers. 9.* Plura hic referre exempla haud necesse opinor, cum ex modo dictis, Christianis, necessitate id exigente, jurare non illicitum esse, satis superque appareat.

Caput Secundum.

Jurisjurandi, quod remedium expediendarum litium & partium controversias spectat, (de quo nos agemus) tres sunt species, quemadmodum hujus tituli inscriptio nos docet: est enim jusjurandum vel voluntarium, vel necessarium, vel judiciale. Nec obstat, quod in *l. maximum i. D. h. t.* Gajus Jctus jusjurandum litis decisorium duplex solummodo proponat, nempe conventionale vel judiciale, cum sæpissime eveniat, ut tertia species ab Auctoribus omittatur, non quod eam negent; sed quod, prout naturam hujus aut illius induat appellationem ejus sequantur. *Vid. Clar. D. Noodt probab. jur. Civ. Lib. 1. C. 12.* Voluntarium itaque est, quod alter litigatorum alteri deferret in judicio vel extra judicium: appellatur quippe voluntarium, quod totum ex arbitrio & voluntate partium pendeat, utrum ab initio deferre, eique, cui deferretur, in judicio referre *l. jusjurandum & ad pecun. 34. §. 7.*

vel extra iudicium non suscipere velit. *l. maximum 1, D. h. t. Donel. de iurejur. Cap. 10.* Si vero semel ex conventionem susceptum sit, omnino præstandum est *l. iusjurandum quod 17. D. h. t.* ut enim ante contractum unicuique liberum est, conditionem accipere, vel non accipere, sic etiam conditione semel approbata & suscepta, ab ea, invito adversario recedere nemini licet *l. Sicut. 12. C. de Act. empt. & vend. & quod semel placuit amplius displicere non potest L. Pomponius 9. D. de Negot. gest.* Hoc iusjurandum actor, licet ipse nihil probaverit, reo deferre potest ad hoc, ut juret vel referat, ut sic ab adversario veritatem extorqueat, qui alioquin, actore non probante absolveretur *l. Accusare C. de edendo. & si hoc sine iusta excusationis causa reus facere recusat, pro confesso haberetur. L. cum de indebito 25. §. 3. D. de probat. l. ait Prætor 7. l. iusjurandum & ad 34. §. 6. D. h. t. l. delata 9. C. de Reb. Cred. Cujac. 22. Observat. 28.* æquissimam enim conditionem proponit, qui alium causæ suæ testem & iudicem facit, quam conditionem sine manifesta calumnia repudiare non potest *l. Manifesta 38. D. h. t.* Regulariter datur reo iusjurandum ea conditione ut juret vel referat *Cujac. lib. 1. Fend. Tit. 28.*

Necessarium præterea est, quod pars, cui delatum est, refert delatori: vocatur autem Necessarium, quod non dependet à libera ejus voluntate utrum velit suscipere nec ne, sed necesse habet hoc, quod illi refertur, præstare *d. l. 38.* Rationi enim conveniens est, quod alteri iniquam conditionem inferre nemo debeat, & in persona sua declinare, quod in altero æquum judicavit *l. Generaliter 12. C. de reb. Cred. §. 1. & 3.* debet itaque jurare is, cui refertur, & si nolit, Prætor ei denegat actionem *l. iusjurandum & ad 34. §. 7. D. h. t.* interdum tamen is, cui refertur, præstare non cogitur, veluti si ex conventionem extra iudicium sit delatum *l. iusjurandum quod 17. D. h. t.* ut nec in actione rerum amotarum *l. Marcellus 11. §. 3. l. 12. 13. D. rer. amotar.*

Judiciale denique est, quod à iudice defertur. Defertur autem in causis dubiis & inopiâ probationum *l. admonendi 31. D. h. t. l. in bona fidei 3. C. de reb. cred.*
sed

sed, quo sensu hæc verba in *Causis dubiis & inopiâ probationum* sint accipienda, diversæ sunt D. D. sententiæ & opiniones: quidam causam esse dubiam & inopiâ probationum laborare ajunt, cum levior quædam sit conjectura, vel ubi actor intentionem suam per unum testem probaverit; Alii vero tunc demum dici, cum propter ancipitem causam & copiam paritatemque probationum ab utraque parte judici (inspectis rerum & personarum circumstantiis) non liquet in quam partem inclinare debeat, quæ posterior sententia majori fundamento niti videtur, cum eodem sensu Terentius utatur *Cæna dubia Phorm. act. 2. sc. 2. Cæna dubia apponitur. Get. quid istuc verbi est? Th. ubi ut dubites, quid sumas potissimum.* similiter Horat. *Sermon. Sat. 2.*

Vides ut pallidus omnis

Cæna defurgat dubia.

Præterea probatio unius testis nullius est momenti *l. marinus 20. D. de question. l. jurisjurandi relig. 9. §. 1. C. de testibus vid. Virum Clar. Noodt probab. fur. Civ. Lib. 3. C. 6. §. 2. 3.*

Hiscæ positis videamus, Cui ex litigatoribus hoc juramentum judiciale sit deferendum? sunt enim qui actori deferendum putant moti verbis *l. in bona fidei 3. C. de reb. cred. ex probationis inopia jure jurando causam decidi;* ex quibus argumentantur, quod si actor habeat semiplenam probationem contra reum tum hoc, quod probationi deest, juramento per ipsum suppleri; alii vero reo esse deferendum contendunt quia favorabiliores rei quam actores habentur *l. favorabiliores 125. de reg. jur. & constat reo fuisse delatum juramentum, ex l. admonendi 31. D. h. t.* sed dicemus potius, id omne esse positum in arbitrio judicis, qui, inspectis rerum & personarum circumstantiis, vel actori ad causæ victoriam, vel reo ad sui purgationem jusjurandum defert, quod necessario præstare debet is, cui deferitur, sive sit actor sive reus, nisi, omni provocationis auxilio destitutus, causa cadere velit *l. Generaliter 12. §. 1. C. de reb. cred. vid. & Perez. in Cod. lib. 4. Tit. 1. num. 23.*

CA-

Caput Tertium.

Diximus in præcedenti capite, regulariter reo imponi necessitatem præstandi vel referendi juramentum; sed licet hoc regulariter ita obtineat, non desunt tamen casus, in quibus reus prorsus non potest cogi, ut juret vel referat, si nempe justas & probabiles non recipiendi causas habeat; quia vel non rite illatum est *d. l. 12. l. 2. C. de reb. Cred.* vel reus causæ suæ veritatem idoneis testibus & instrumentis probare potest. *Wesemb. in Parat. de jurej. num. 9.* sic etiam heres de contractu defuncti jurare non compellitur; quoniam contractum ignorare potest. *Paul. lib. 2: sent. Tit. 1.* Uti nec reus si actor prius de calumnia non juraverit *l. jusjurandum & ad 34. §. 4. D. h. t. l. questionem. ult. de fideicom.* Jurare autem in principio litis uterque tam actor quam reus tenetur, actor se non calumniandi animo, sed bona conscientia & juris fiducia fretum causam agere; reus vero se bona instantiâ uti & non calumniæ causa ad inficias ire *l. inter coheredes 34. §. 4. D. famil. ercisc. l. Cum & judices 2. C. de jurej. pp. calumn. dando.* Quod juramentum exigitur ab omnibus, qui judicio experiuntur in tantum, ut ne quidem per conventionem remitti possit; utpote inductum ad publicam utilitatem: *l. Cum judices 2. §. 4. de jurej. & c. §. 1. Inst. de pœna temere litigant.* quod enim publicæ utilitatis gratia introductum est, id privatorum pactis mutari nequit *l. jus publicum D. de pactis*; sed licet expresse remitti nequit, tacite tamen (cum scilicet demum sit præstandum si exigatur) quin fieri hoc possit non dubito *l. de pupillo 5. §. 14. D. de oper. nov. nunciat. l. jusjurandum & ad 34. §. 4. D. h. t.* nec ullam difficultatem movet *d. l. 2. §. 4.* quia in illa lege expresse remitti jusjurandum vetatur: possunt enim fieri quædam tacite, quæ expresse facere nulli licet. Argumento sunt *l. si unus 27. D. de pactis. l. actus 77. l. expressa 155. D. de R. J. l. non nunquam 52. D. de Condit. & Demonstr.*

Diximus, quod omnes præstare teneantur jusjurandum calumniæ; excipiuntur attamen parentes & patroni, qui ob honorem & reverentiam, quam ipsis debent liberi ac liberti, in

Ca-

calumniæ suspicionem vocari non possunt *l. de die 8. §. 5. qui satisd. cogun. l. si patronus 16. D. h. t. l. licet 7. §. 3: & 4. D. de obseq. patr. &c.* nec obstat quod in *l. jusjurandum & ad 34. §. 4. neque patrono neque parentibus remitti dicatur*, cum certum sit, hanc legem menda laborare, & legendum esse (ut habet vetus editio anni 1529) *æque patrono atque parentibus* vid. *Bacchov. ad Treutl. vol. 1. disput. 21. th. 5.* ratio insuper adduci posset, quod in *d. l. 16. D. h. t.* quæ etiam Ulpiani est, contrarium statuatur, his verbis. *sed si ipse* (sc: patronus) *deferat jusjurandum liberta sue, de calumnia non debet jurare:* & verisimile non sit, Ulpianum sibi ipsi contradicendum: his accedunt *l. qui bona 13. §. 14. D. de damno infecto & Cujac. observat. 9. C. 37.*

Caput Quartum.

EX supra dictis satis liquet jusjurandum judiciale non nisi à solo Judice deferri. Videamus porro quinam voluntarium deferre possunt, & placet omnes posse, qui non prohibentur; ut sunt Domini liberum suarum rerum habentes arbitrium *l. jusjurandum quod 17. §. 1. D. h. t.* item ii, quibus aliarum rerum administratio est demandata, & qui Jure Civili pro Dominis habentur, ut Tutores & Curatores pupillorum, minorum furiosorumque, si aliis probationibus destituantur *l. tutor. 35. §. 1. D. h. t.* etiam Procuratores, si universorum bonorum habeant administrationem, aut id ipsum nominatim iis mandatum sit *d. l. 17. §. ult. l. 18. 19. D. eod. l. rescriptum 10. §. ult. & seqq. ll. D. de pactis.* sed sciendum est hoc tantum procedere, si sit controversia de iis rebus, quæ sine decreto alienari possunt; verum, si de rebus sit lis, in quibus decreto Prætoris opus est, non aliter deferre possunt, quam impetrato prius decreto Prætoris *l. non solum 4. C. de prad. & aliis reb.* deferre quoque potest Defensor municipum, vel cujusvis corporis, si super hoc mandatum habet *l. jusjurandum & ad 34. §. 1. D. h. t.* Nec non filii & servi, qui jurejurando peculio tenus patri ac domino nocere atque prodesse possunt, si peculii ha-

B

beant

beant administrationem *l. quod servus* 20. 21. 22. *D. eod.* si autem peculii administratione careant, in præjudicium patris vel domini deferre nequeant *l. depositi* 5. §. 2. *D. de pecul.*

Diximus deferre posse omnes, qui non prohibentur. Prohibentur autem quidam naturâ, ut infantes, qui propter teneram ætatem nec loquendi nec consentiendi facultatem habent §. 16. *Inst. de inutil. Stip. l. Mulier.* 70. *D. de verb. Obligat. l. huic* 1. §. 13. *D. de Oblig. & Act.* quidam propter animi vitium, ut sunt furiosi, qui externa mentis rabie agitantur, hi tamen illo tempore, quo dilucida habent intervalla, deferre possunt *d. l. 1.* §. 12. *l. in negotiis* 5. *D. de R. J.* quidam etiam lege, ut prodigi, sed tum demum, si publice ipsis bonorum administratio sit interdicta *d. l. 35.* §. 1. nec non is, qui post elapsum biennium exceptionem non numeratæ pecuniæ opponere non potest *l. in contractibus* 14. §. 3. *C. de except. non num. pecun.* præterea debitores in fraudem creditorum *l. nam postquam* 9. §. 5. *D. h. t.* annumeratur quoque illis, qui Jusjurandum deferre nequeunt, coheres aliis coheredibus invitis aut ignorantibus, nec si velit cavere de rato. *vid. Cod. Fabrian. lib. 4. Tit. 1. defin.* 21. insuper pupillus sine tutoris auctoritate, quia jus res suas administrandi ipsi non competit *d. l. 17.* §. 2. *D. h. t. l. jusjurandum vocem.* 1. §. 1. *quar. rer. act. non datur.* Denique ob eandem rationem minor Curatorem habens *l. si Curatorem* 3. *C. de in integr. restitut.*

Caput quintum.

Videamus nunc præterea quibus defertur juramentum. Defertur autem indistincte omnibus cujuscunque etiam sint sexus, ætatis, aut conditionis *l. qui jurasse* 26. *l. sed & si* 25. *D. h. t.* etiam pupillis, filiis, servis, heredibus, procuratoribus ac defensoribus ad eum effectum, ut ratum firmumque sit futurum, quod pupillus, filius, servus, procurator aut defensor juravit, & actio inde vel exceptio pupillo, patri, vel domino competat *l. nam postquam* 9. §. 6. *l. si servus* 23. & *seqq. ll. l. Creditore ult.* §. 2. *D. h. t.* Cum jusjurandum omni modo

modo servari oporteat adversus eum, qui, cum deferret, contentus eo fuit *d. l. 26. pr.* volenti enim nulla fit injuria *l. in diem 9. §. 1. D. de aqua pluvia arc.* sed licet volentes præstare possint, minime tamen ad suscipiendum cogi possunt, quoniam de alieno facto, ad jurandum cogi perquam injustum atque iniquum est, cum fieri possit, ut rei veritatem ignorent: jurare enim scientem oportet *l. jusjurandum & ad 34. §. 1. & 3. D. h. t. l. Marcellus 11. §. 2. D. rer. amot. Paul. lib. 2. Sent. Tit. 1.* quod si adversarius non procuratori, sed domino deferat jusjurandum, ipse dominus præstare tenetur, si adversarius non vult stare procuratoris jurejurando *l. generaliter 12. §. 4. C. de Nox. Act.* quoniam eo plane modo, quo defertur, præstari jusjurandum debet *l. ait prator 3. §. ult. cum seqq. ll. D. h. t.*

Habet hæc jurisjurandi delatio locum in omnibus causis civilibus, de quibus pacisci licet *l. jurisgentium 7. §. 14. D. de pactis.* sive in personam, sive in rem, sive in factum, sive pœnali, nec non si de conditione personæ fuerit juratum. V. G. delatum est tibi jusjurandum, & jurasti *te non esse in potestate mea. l. ait prator 3. §. 1. & 2. D. h. t.* item in populari, si non per collusionem, sed bona fide exactum sit *l. eum, qui. 30. §. 3. eod.* præterea etiam in matrimonialibus, sed tantum si pro non autem contra matrimonium juratur, quia matrimonii ineundi causa favorabilis est, dissolvendi vero odiosa. *Vid. Trent. vol. 1. Disput. 7. th. 4.* Tandem quoque in quæstione an prægnans sit mulier vel non sit: ad hoc, ut, si se prægnantem ex marito juraverit, sibi bonorum possessio ex Carboniano Edicto detur, vel, si adversarius contra juraverit, denegetur *l. cum mulier 10. D. de Carbon. Edict. d. l. 3. §. 3. D. h. t.* in criminalibus verò locum non invenit, quia desiderantur probationes luce meridiana clariores *l. sciant ult. C. de probat.* ex suspicionibus autem nemo est damnandus *l. absentem. 5. D. de pœnis;* sed necesse est, ut quis confessus sit, vel prorsus convictus antequam condemnari potest *l. qui sententiam 16. C. eod.* cum reus præsumatur pejeraturus pœnæ metu, item accusator, ne incidat in pœnam calumniæ & talionis; melius itaque est nocentis impunitum relinquere facinus, quam innocentem damnare, ut Divus Trajanus Asfiduo Severo rescripsit

in *d. l. absentem* §. Hæc ita se habent, si criminaliter ad vindictam publicam agatur; si vero ad utilitatem privatam, tunc jusjurandum locum habere dicendum est, idque colligitur ex verbo *actionis* quod ad civiles non ad criminales causas refertur: quando enim criminaliter agitur, dicitur potius *accusatio*. Vid. *Fachin. Controv. jur. 1. lib. cap. 16. & Treutl. vol. 1. Disput. 21. th. 10.*

Caput Sextum.

Effectus jurisjurandi præstiti est, ut lites quasi ex pacto ipsorum contrahentium decidat, & ad similitudinem judicati actori juranti competat actio in factum ad consequendum id, quod ipse sibi deberi juravit *l. jusjurandum vicem 1. pr. D. quar. rer. act. non datur l. Actori 8. C. de reb. cred.* ita ut jam, remissa quæstione, an debeatur, hoc unum inquiretur, an & quatenus juratum sit §. *item si quis Inst. de Action.* sic ut nec appellandi facultas supersit *l. generaliter 12. C. de reb. cred.* nec perjurii prætextu rescindatur, nisi specialiter hoc lege excipiatur *l. Causa 1. C. eod.* nec propter instrumenta noviter reperta *l. admonendi 31. D. h. t.* quia speciem transactionis continet: quod enim semel mutua conventionem transactionem & sopitum est, id sub prætextu instrumentorum post repertorum retractari non debet *l. sub prætextu 19. 29. C. de transact.* non tamen omnia, quæ in transactione, etiam in juramento locum habent: nam transigentem in actione famosa infamia sequitur, non vero jurantem, quia jurans præstando jusjurandum innocentiam suam quodammodo adprobat *l. furti 6. §. 4. D. de his qui not. infam.* hæc ita in voluntario ac necessario obtinent; in judiciali autem, cum non contineat speciem transactionis, aliud juris est *l. admonendi 31. D. h. t.*

Ut autem actori, qui, rem suam esse, vel dari sibi oportere, juravit, datur actio in factum; sic etiam reo jurato, se nihil dare, facere oportere, vel rem petitoris non esse, competit exceptio *l. nam postquam 9. §. 1. l. qui jurasse 26. §. 1. l. jusjurandum à debitore 40. D. h. t.* præterea etiam heredibus sive in rem sive in personam sit exceptio *l. ait Prator 7. & 8. D. eod.*

cod. liberantur insuper fidejussores l. in duobus 28. §. 1. D. h. t. quia jusjurandum continet speciem solutionis l. jusjurandum etiam 27. l. tutor. 35. §. 1. D. h. t. si nempe causæ & personæ cohæreat, non autem si tantum personæ: V. G. fidejussori proderit jusjurandum si de contractu; si vero de persona sit juratum, secus est l. creditore ult. D. eod. denique in omnes, ad quos aliquod emolumentum ex jurejurando redit, actionem Prætor denegat l. ait Prætor. 7. D. h. t.

Ut igitur jusjurandum sortiatur effectum, necesse est, ut prius facta sit delatio (i. e. formula præscripta, secundum quam jurare debet is, cui ab adversario deferitur) alioquin (facillimus quisque, ad jusjurandum decurrens, actionum oneribus se liberaret *l. ait Prætor 3. D. h. t.* neque delatum sufficit, sed oportet quoque, ut præstitum sit. uti in formula præscriptum ac delatum est, aliter juratum esse non videtur *d. l. 3. §. ult. l. qui per. 33. eod.* præterea etiam eo tempore quo delatum est; nam si postea jurare paratus sit, nihil ei proderit jusjurandum *l. non erit 5. §. ult. l. 6. D. h. t.*

Caput Septimum.

TAndem coronidis loco videamus, an aliqua perjurii pœna Jure Civili sit constituta? sed ut hoc melius innotescat, videamus prius de ritibus formulisque, quas diversas fuisse apud Romanos apparet ex rerum antiquarum scriptoribus; jurabant autem vel directo per Deum, ut patet ex *Dion. Halic. lib. 6. p. 406.* Jurejurando Diis testibus incuntur pacta, quæ multas privatorum simultates finiverunt. vel ex solenni Romanorum formula, cujus hæc erant verba: *si sciens fallam, ita me Diespiter, salva urbe, arceque, bonis ejiciat, uti ego hunc lapidem.* tunc jurans, sibi male precabatur, si sciens falleret, silecem manu tenens, quem postea, qua poterat vi, projiciebat. *Cic. lib. 3. Offic. Cnjac. Observ. lib. 3. Cap. 21.* etiam ex formula, qua utebantur, qui Aram tangentes jurabant apud *Virg. Aeneid. 12. v. 200.*

*Audiat hæc genitor, qui federa fulmine sancit:
Tango Aras, mediosque ignes, & Numina testor.*

Dicebatur autem hoc apud Gentiles jusjurandum corpora-
liter præstitum; sed postea Principes Christianam religionem
amplectentes, loco hujus ritus alium ritum receperunt, qui fie-
bat tantis Sacro-sanctis Euangelis Nov. 124. Cap. 1. *l. rem
non novam* 14. §. 1. C. de judic.

Vel jurabant indirecto veluti per Genium, per Salutem,
perque venerationem Principis. *l. si duo* 13. §. ult. D. h. t. *l.
jurisjurandi* 2. C. de Reb. Cred. vel ut superstites filios relinque-
rent, jurabant patres Terent. Heaut. Act. 5. sc. 4. jurabant
quoque Romaniper oculos suos Plaut. Menach. 5. 9. 1. Ovid. 3.
Amor. 2. nonnunquam per caput suum vel alterius Virg. Aeneid. 9.
vers. 300. & Ovid. Trist. lib. 5, Eleg. 8. quidam etiam per
suam suorumque filiorum salutem *l. qui per salutem* 33. D. h.
t. Sic varios ritus variasque diversis temporibus formulas
habuisse Romanos docet Alex. ab Alex. Gen. Dier. lib. 5.
cap. 10. plura Vid. apud Briffon. de formul. lib. 8.

Restat jam ut videamus an & quomodo perjurium Jure Civili
puniatur, sunt qui negant ullam ipsis imminere poenam, sunt qui
perjuros esse puniendos statuunt; sed puto distinguendum utrum
per Principem an per Deum pejeretur; si per Principem perju-
rium committat quis, is fustibus est castigandus secundum *l. si duo*
13. §. ult. D. h. t. si hoc fraudandi causa animo deliberato, non si
sine alterius incommodo calore quodam faciat *l. jurisjurandi* 2.
C. de reb. Cred. quod si per Deum pejeretur, Deus ipse ultor
relinquitur; nec præter hanc ulla alia poena civili punitur peje-
rans: argumento est d. l. 2. in qua Alexander Imperator dicit:
jurisjurandi contemptam religionem satis Deum ultorem habere;
huic accedit illud Tiberii, qui, accusato quodam, quod no-
men Augusti perjurio violasset, rescripsit, perinde habendum
esse ac si Jovem fefellisset. Deorum injurias Diis esse curæ:
apud Tacit. Annal. 1. C. 73. Vid. & Fachin. Controv. jur.
lib. 1. C. 14. Cujac. Observat. 2. c. 19. Cæterum moribus
hodiernis, pro qualitate circumstantiarum perjurii, perjuros
à Magistratibus Christianis puniri certum est Vid. Groen. de leg.
Abrog. ad l. 2. C. de reb. cred. & jurej.

F I N I S.

